

LAN-ESKAINNTZA ATARIAN: SUKALDARIA – GIPUZKOAKO ESPETXEA (MARTUTENE)

ESKAERAK AURKEZTEKO EPEA: 2022KO ABENDUAREN 1ETIK 9RA

LANPOSTUAREN DATUAK

Kodea: **IPL8402/10**

Deskribapena: **Sukaldaria espetxeetan**

Kontratu mota: *Langile lan-kontratuduna.*

Urteko ordainsari gordina: 27.578,02 €

Saila: BERDINTASUNA, JUSTIZIA ETA GIZARTE POLITIKAK

Herria: DONOSTIA

Kontratuaren hasiera data: Berehala

Aurrikusitako iraupena: Urte bat baino gehiago

Lan ordutegia: astelehenetik ostiralera. Goizeko eta arratsaldeko txandak edo lanaldi zatitua, zentroak kontratazio unean dituen beharren arabera.

Funtzioak:

- Lehengaien beharrak aurreikustea eta erosketa-proposamenak egitea.
- Taldearekin batera, otordu-zerbitzuak prestatzea.
- Jasotako lehengaien kalitatea egiaztatzea eta itzulketak kudeatzea kalitatea behar bezalakoa ez denean.
- Elikagaien aurreelaborazioarekin eta kontserbazioarekin, hornikuntza-sistemearekin, sukaldaritzako teknikekin eta sukaldaritzako elaborazio eta produktuekin lotutako zereginak.
- Espazioak, makineria, tresnak eta erremintak egoki erabiltzeko moduan daudela kontrolatzea.
- Hondarren zein erabilitako tresnen eta makinen bilketa eta garbiketa zuzentzea. Baita sukaldeko gelena eta eranskinena ere.
- Sukalde-zerbitzua eta sukalde-jantokiko lantaldea kudeatzea eta zuzentzea.

PARTE HARTZEKO BALDINTZAK

(Parte hartzeko baldintza orokorrak)

Titulu akademikoak:

- Jatetxe-arloko zerbitzuen zuzendaritzako goi-mailako teknikaria
- Sukalde Zuzendaritzako goi-mailako teknikaria
- Sukaldaritzako eta gastronomiako teknikaria **eta** bi urteko esperientzia sukaldari gisa. Kasu horretan, sartzeko eskatutako esperientzia eskaerak egiteko epean egiaztatuko da, justifikazio-agiriarekin batera. Euskal Autonomia Erkidegoko Administrazio Orokorrean eta haren erakunde autonomoetan eskuratutako esperientzia bada, ez da beharrezkoa izango hori egiaztatzea; baina, alegatu beharko da

Titulazio baliokideak Hezkuntza eta Lanbide Heziketako Ministerioaren webgunean kontsulta daitezke:

<https://www.todofp.es/baliozkotzeak-baliokidetasunak-homologazioak.html>

ESKAERAK AURKEZTEA

1. Interesdunek Internet bidez bete beharko dute eskabidea. Horretarako, helbide elektroniko honetan eskuragarri dagoen eredua bete beharko dute: <https://www.euskadi.eus/z16-a2app/eu/q41auUdaWar/E6/?locale=eu>
2. Eskabidea aurkezteko, beharrezkoa izango da nortasuna ziurtagiri digitalaren bidez egiaztatzea. Esteka honetan adierazten da nola eskuratu ziurtagiri digitala: <https://www.euskadi.eus/identifikazio-elektronikorako-onartutako-bitartekoak/web01-sede/eu/>
3. **Eskabidearekin batera, alegatutako merezimenduak egiaztatzen dituzten agirien kopia soila aurkeztu beharko da. Lan-esperientziaren kasuan, derrigorrezkoa da lan-bizitzaren ziurtagiriaren eta kontratuen kopia aurkeztea.** Alegatutao baldintzek eta merezimenduek beteta egon beharko dute eskabideak aurkezteko epea amaitu baino lehen.
4. Deialdi honetan **ezin izango dute parte hartu:**
 - a. Lanpostua atxikita dagoen eskalei dagozkien lan-poltsetako langileak, haien egoera hautaezin bada Gobernantza Publiko eta Autogobernuko sailburuaren Euskal Autonomia Erkidegoko Administrazioan eta haren erakunde autonomoetan aldi baterako zerbitzuak emateko langileek hautaketa 2021eko urtarilren 7ko Aginduaren 13. artikuluan ezarritako edozein arrazoirengatik.
 - b. Lan-poltsetan ez dauden Administrazio honetan lanean ari diren langileak betetzen duten lanpostuan urte bat bete ez badute.
 - c. Administrazio honetan txanda-kontratu batekin zerbitzuak ematen ari diren langileak, aipatutako Aginduaren 12.b) artikuluan ezarritakoaren arabera.

MEREZIMENDUEN BAREMOA

(Gehieneko puntuazioa: 12,8 puntu)

- 1.- **Azken 10 urteetan** erakunde edo enpresa pribatu edo publiko batean, ordainsariaren truke, kategoria berean izandako **esperientzia profesionala, gehienez 6 puntu**, 0,05 puntu lan egindako hilabete bakoitzeko. Erantsi behar da lan-bizitzaren eta lan-kontratuen kopia soila edo Estatuko, Autonomia Erkidegoko edo Tokiko Administrazioan emandako zerbitzuen ziurtagiria.
- 2.- Lanpostura sartzeko baldintza bezala alegatu ez diren **titulu akademikoak, gehienez 4 puntu**
Puntu bat titulu bakoitzeko:
 - Lanbide Heziketako teknikaria
 - Lanbide Heziketako Goi-mailako teknikaria
- 3.- **Ingelesa, alemana eta frantsesaren ezagutza-maila**, Europako Erreferentzia Marko Bateratuko hurrengo mailetan. **Gehienez puntu bat**, baremo honen arabera:
 - B1 egiaztatzeagatik: 0,5 puntu.
 - B2 edo gorakoa egiaztatzeagatik: puntu 1.
- 4.- **Euskararen ezagutza-maila, gehienez 1,8 puntu**
 - 1. hizkuntza-eskakizuna (B1) egiaztatzeagatik: 0,55 puntu.
 - 2. hizkuntza-eskakizuna (B2) egiaztatzeagatik: 1,1 puntu
 - 3. eta 4. hizkuntza-eskakizunak (C1 edo goragokoa) egiaztatzeagatik: 1,8 puntu.

PROZESUAREN GARAPENA

1. IVAPeko zuzendariak balorazio-batzorde bat izendatuko du. Batzorde horrek hiru kide izango ditu, eta proba eta merezimenduak baloratuko ditu, planteatutako zalantzak eta erreklamazioak ebatziko ditu, hautaketa-prozesua behar bezala bideratzeko behar diren erabakiak hartuko ditu eta hautatutako pertsonak proposatuko ditu.
2. Eskabideak aurkezteko epea amaitutakoan, balorazio-batzordeak honako hauek argitaratuko ditu:
 - a) Hautaketa-prozesuan onartutakoen eta baztertutakoen behin-behineko zerrenda, baztertzeko arrazoiak adierazita, hala badagokio.
 - b) Merezimenduen balorazioa.
 - c) Prozesuaren emaitzak.
3. Berdinketa hausteko irizpideak. Berdinketa gertatuz gero, honako irizpide hauek erabiliko dira:
 - a) Baloratutako esperientzia gehien dutenen alde.
 - b) Tituluetan puntuazio altuena dutenen alde.
 - c) Hezkuntza Sailaren urteko berdinketa hausteko letra, hautaketa-prozesuetarako.

[Datu pertsonalen babesari buruzko informazioa](#)

ESLEIPENA ETA ADMINISTRAZIOAN LANEAN HASI

Prozesu horretan parte hartzeak ez du parte-hartzaileen aldeko inolako eskubide edo igurikimenik sortuko. Administrazio honetan zerbitzuak ematen hasten diren hautatutako langileak **ez dira** dagokion poltsan sartuko, eta ezingo dute mugikortasun-prozesuetan parte hartu. Era berean, prozesuaren emaitza ezaugarri bereko eskaintzetarako langileak hautatu behar direnean erabili ahal izango da, gehienez ere sei hilabeteko epean, eskaintza esleitzen denetik zenbatzen hasita.

PARTE HARTZEKO BALDINTZA OROKORRAK

1. Hautaketa-prozesuan parte hartu ahal izateko, betekizun espezifikoek gain, honako baldintza hauek bete beharko dira:

- a) 16 urte beteta izatea eta erretiroa hartzeko legeko adina ez gainditzea.
- b) Europar Batasuneko estaturen bateko nazionalitatea izatea, edo Europar Batasunak izenpetu eta Espainiako estatuak berretsitako nazioarteko itunen arabera langileen zirkulazio askea aplikatu behar zaion estaturen bateko nazionalitatea izatea.

Europar Batasuneko estatu kideetako herritarren ezkontideek ere parte hartu ahal izango dute, zuzenbidez bananduta ez badaude, bai eta haien ondorengoek eta ezkontideen ondorengoek ere, baldin eta bi ezkontideak zuzenbidez bananduta ez badaude, hogeita bat (21) urtetik beherako ondorengoak izan edo adin horretatik gorakoak izan, haien kontura bizi badira.

Halaber, aurreko paragrafoetan aipatu ez diren atzerriarrek ere parte hartu ahal izango dute, baldin eta Espainiako estatuan bizi badira. Hautatuak izanez gero, kontratuaren xede den jarduera egiteko administrazio-baimena dutela egiaztatu beharko dute kontratua formalizatu baino lehen, eta administrazioarekiko harremana lan-kontratupean baino ezin izango da izan.

- c) Eman beharreko zerbitzuak normaltasunez egitea eragozten duen gaixotasun edo akats fisikorik ez izatea, lanpostua desgaitasunen bat duten pertsonen behar zehatzen arabera egokitze har daitezkeen neurriek kalterik egin gabe.

d) Diziiplina-espediente bidez edozein administrazio publikotako edo autonomia-erkidegoetako konstituzio- edo estatutu-organotako zerbitzutik banandua edo kaleratua ez izatea, eta ebazpen judizial bidez enplegu edo kargu publikoetarako desgaitasuna absolutu edo berezirik ez izatea, funtzionarioen kidegoan edo eskalan sartzeko, edo lan-kontratuko langileen kasuan betetzen zituzen funtzioen antzekoak betetzeko, baldin eta banandua edo desgaitua izan bada. Beste estatu bateko herritarra izanez gero, desgaituta edo egoera baliokidean ez egotea, eta bere estatuan, baldintza berberetan, enplegu publikorako sarbidea eragozten duen diziiplina-zehapenik edo zehapen baliokiderik ez izatea.

e) Ezintasuneko edo bateraezintasuneko legezko kausaren batean sartuta ez egotea.

2. IVAPek egiaztatuko du parte-hartzaileek eskabidean betekizun gisa alegatutako titulazio akademikoa. Hala ere, pertsona horiek eskatutako betekizunak eta alegatutako merezimenduak egiaztatzen dituzten jatorrizko agiriak aurkeztu beharko dituzte, hala eskatzen zaienean.

Halaber, IVAPek euskararen ezagutza egiaztatuko du Euskara Tituluen eta Ziurtagirien Erregistro Bateratuan. Erregistroan titulurik ez duten pertsonak eskabidean alegatu beharko dute, eta tituluaren kopia eskaneatua aurkeztu.

Datu Pertsonalak Babesteari eta eskubide digitalak bermatzeari buruzko abenduaren 5eko 3/2018 Lege Organikoaren zortzigarren xedapen gehigarrian ezarritakoa aplikatuz egingo da egiaztapena.

3. Eskabideak aurkezteko epea amaitzen denean bete beharko dira aurreko baldintza guztiak. Baldintza horiek prozesu osoan bete beharko dira.

DATU PERTSONALEN BABESARI BURUZKO OINARRIZKO INFORMAZIOA

Europako Parlamentuaren eta Kontseiluaren 2016ko apirilaren 27ko 2016/679 (EB) Erregelamendua, datu pertsonalen tratamenduari eta datu horien zirkulazio askeari dagokienez pertsona fisikoen babesari buruzkoa (Datuak Babesteko Erregelamendu Orokorra), eta datuen babesaren arloan indarrean dagoen gainerako araudia betez, jakinarazten da datu pertsonalak "hautaketa-prozesuen kudeaketa" izeneko tratamendu-jardueran sartuko direla.

Tratamenduaren arduraduna: Herri Arduralaritzaren Euskal Erakundeko Zuzendaritza Nagusia.

Tratamenduaren helburua eta aurreikusitako erabilerak: Euskadiko Autonomia Erkidegoko Administrazio Orokorrean aldi baterako zerbitzuak emateko langileak hautatzeko edo toki-erakundeetan gaikuntza nazionala duten toki-administrazioetako funtzionarioen beharrak aldi baterako betetzeko prozesuen kudeaketa eta jarraipena egitea, bai eta parte-hartzaileei prozesu horien garapenaren berri ematea ere. Zehazki, parte hartzeko eskaeren kudeaketa, minusbaliotasunagatik arrazoitutako probak egiteko egokitzapen-eskaeren kudeaketa, onartutakoen eta baztertutakoen zerrendak argitaratzea, proben kalifikazioa eta merezimenduen balorazioa, prozesuekin lotutako erreklamazioen eta baliabideen kudeaketa, eskatzaileek prozesuan zehar aurkeztutako dokumentazioaren kudeaketa, probetara bertaratzearen kontrola, ziurtagiriak ematea, prozesuei buruzko datu historikoak kontsultatzea, azterlanak eta estatistikak egitea.

Legitimazioa: tratamendua beharrezkoa da 1983 Legearen 4. artikuluko Herri Arduralaritzaren Euskal Erakundeari esleitzen dizkion helburuak betetzeko.

Informazioaren hartzaileak: datuak Eusko Jaurlaritzako Funtzio Publikoko Zuzendaritzari lagatzea aurreikusten da, dagozkion lan-poltsak kudeatzeko. Euskadiko Autonomia Erkidegoko beste administrazio batzuei ere lagatzea aurreikusten da, lan-poltsa propiorik ez dutenean. Kasu horretan, interesdunek berriazko baimena eman beharko diote lagapenari, hori egin ahal izateko.

Eskubideak: datuak eskuratu, zuzendu eta ezabatzeko eskubidea, bai eta informazio gehigarrian azaltzen diren beste eskubide batzuk ere.

Informazio gehigarria: datuen babesari buruzko informazio gehigarri eta zehatza webgunean kontsulta dezakezu.

<https://www.ivap.euskadi.eus/hautaketa-prozesuen-kudeaketa/z16-h2home/eu/>